

全

名醫驗案類編

續編

第六冊

痘疹病案  
胎產病案  
蟲蠱病案

癰瘍病案  
奇病案

上海大東書局印行

5581  
024  
1部14



中華民國二十五年七月初版

全國名醫驗案類編（續編）

（全六冊實價三元五角）  
（外埠酌加郵費匯費）

評選者

郭奇

發行人

沈駿聲

印刷所

大東書局

總發行所

大東書局

分發行所

南京 長沙 西安 梧州 安慶 濟南 徐州 雲南 南昌 重慶 漢口 廣州 天津 瀋陽 廈門 開封 杭州 汕頭 無錫 信陽 新嘉坡

大東書局



當代全國名醫驗案類編續編目錄

二集 雜病案

第二十二卷 痘疹病案

痘瘡逆證案·····尹性初

痘證嘔吐案·····尹性初

痘證喉閉案·····尹性初

麻疹內陷案·····尹性初

麻疹咳血危症案·····謝銓鎔

出痘服燥瀉藥引毒歸心案·····呂楚白

風溫時疹案·····趙子蒼

伏寒瘟疹案·····劉倫正



春痧內閉案.....葛蔚堂

溫邪發痧案.....湯逸生

濕化熱喉痺發疹案.....吳介誠

疫痘挾驚案.....王玉玲

疫痘夾斑案.....王玉玲

暑熱發疹痞案.....程次明

胃發頤案.....陳允咎

感冒夾疹案.....沈幼材

春味隱中二山吳介誠



當代  
全國名醫驗案類編續編

二集 雜病案

泰和劉守仁山房珍稿

第二十二卷 痘疹

○痘瘡逆證案

尹性初  
湖北武昌

【病者】陳某年二十餘住武昌石渚屯、

【病名】痘瘡逆證、

【原因】人成形體全賴母血涵育。胞胎內血中濁氣降生後仍藏營血之中。感遇天行濁氣由口鼻而入氣管。由氣管達於血管。將血管并氣管中濁氣逐之自毛孔而出。此本王清任先生之說。西人則專主空氣中瘟毒立論。如係瘟毒何以出一次後終身不再出。質之西人亦不能答。不如



王說爲確。

【症候】痘形攢簇。蒙頭蓋面。周身細碎成片。色紫暗。六日不大便。睡則妄言妄見。躁擾不安。起則棄衣狂奔。形證如此。逆則逆矣。

【診斷】痘不行漿。瘟毒內攻臟腑。故有躁擾狂越等證也。據王氏說。痘之形圓。色紅者。五六天後。痘中之血。仍退還血管。痘內只存濁氣津液。津液清。爲青漿。青漿爲瘟毒燒稠而色白。曰白漿。白漿再煉更稠而混。名混漿。混漿再煉稠如瘡膿。名黃膿。將黃膿煉乾而結痂。至於此證。漿不能行。皆因血不退還血管。不退還血管。皆因血管內有瘟毒燒煉。阻塞血之道路故也。若通血管之瘀滯。何患漿之不行乎。

【療法】用王氏通經逐瘀湯。去麝香。加麻黃輕虛走表。并酌加硝黃下之。爲釜底抽薪之計。

【處方】生黃耆

八錢

桃仁

三錢

紅花

二錢

炒山甲

三錢

皂刺 二錢

地龍 二錢  
去土焙

麻黃 一錢  
五分

葛根 二錢

金銀花 四錢

白芍 二錢

生地 三錢

大黃 三錢

芒硝 四錢

用水二碗。煎至一碗。溫服。餘滓再煎服。半日盡。

【次診】進一劑。夜半瀉動一次。狂躁漸平。再進一劑。色轉紅活。仍擬方托裏解毒。活血化滯。

【次方】生黃耆 六錢

生冬朮 二錢

白芍 一錢  
五分

當歸身 二錢

金銀花 三錢

桃仁 二錢

紅花 一錢

生甘草 一錢

水煎服

【三診】進二劑。漿已圓滿。即擬方調理脾胃。

【三方】生黃耆 四錢

焦於朮 二錢

當歸身 三錢

白芍 二錢

金銀花 二錢

生甘草 五分

水煎服

【效果】服二劑。收醫而愈。

遠按 案中論痘毒之由來。與險逆之補救。明白詳盡。方亦剪裁有法。



# ○痘證嘔吐案

尹性初  
湖北武昌

【病者】王君仲友之女孩，甫兩歲，住武昌廣里堤。

【病名】痘證嘔吐。

【原因】痘出原順。某西醫用藥外洗，遂增嘔吐。

【症候】痘稀。顆粒珠圓。色亦紅潤。本可勿藥。用藥外洗。以致痘漿不起。時作嘔吐。

【診斷】此洗藥逼毒不能外出。而反內攻故也。

【療法】宜托裏解毒主之。

【處方】鵠一隻。去毛雜。切片。蘇油鹽少許。鍋內炸半熟。納罐內。煎湯喂服。

【效果】服一隻。嘔吐即止。令其再服二隻。而痘即全愈矣。

遠按痘疹之毒根深蒂固。須從裏緩緩達表。非如瘡瘍之屬於局部掀發者。可以洗剝了事。此案托裏解毒四字。爲治痘疹要訣。方用鵠湯一味。尤



爲簡要、讀書得間、其效如此、

# ○痘證喉閉案

尹性初  
湖北武昌

【病者】余族一小孩、年四歲、住武昌昌明鄉、

【病名】痘證喉閉、

【原因】胞胎血中濁氣、留止於營分、感觸天行瘟氣而卽發、

【症候】痘顆尙稀、惟不整齊、咽喉腫塞、吞茶水則痛、不能進食、

【診斷】審係瘟毒、不能外出、結於咽喉故也、

【療法】急宜溫托、

【處方】鵠一隻、去毛雜、切片、麻黃一錢、生黃耆三錢、合煎、頻頻喂服、令其由漸

潤下、

【效果】一劑、至次日咽喉全愈、而痘粒亦整齊飽滿矣、不再服藥、數日竟愈、

按鵠本草載主治惡瘡、余每遇痘瘡不起、麻疹內陷、疥瘡入腹、瘡蟲等



證皆用鵲煎湯煎藥。屢獲奇效。附錄於此。以餉同人。

按吳鞠通謂痘瘡始終不可汗。不可下。刻舟求劍。誤人匪淺。近日醫者往往於岐黃仲景之書不加探討。借鞠通之書爲捷徑。不辨形證。動稱溫病。清潤甘寒。堆砌滿紙。醫家不知病。病家不知醫。順意迎合。衆口同聲。所謂一盲引衆盲也。若陳某痘瘡躁擾狂越。毒勢甚熾。倘如鞠通所云。必致痘毒內攻。腐爛臟腑而不可救。是年劉某出痘。形證較陳某爲輕。醫存姑息。用藥平淡。不二三日。口吐血沫而死。其明徵也。鞠通又謂麻疹當以防風葛根爲禁藥。竊思仲聖曰。風強則爲癰疹。故諸家治麻診。皆用風藥托表。不知鞠通何見。竟背道而馳如此。仲聖雖有瘡家不可發汗之戒。意謂瘡家不可專於發汗。非謂用風藥外托而並禁之也。痘瘡麻黃與黃耆並用。疥瘡白芷與黃耆並用。癰癰防芷與黃耆並用。皆著殊功。皆用以托毒外出。非用以發汗也。甚矣讀書不可死於句下。

也。爰錄於此。以質諸精究斯道者。

**遠按**發汗與外托、截然不同、詳辨之可以祛耳食者之妄。至古人之書經、不善讀者之穿鑿誤會以害人者多矣。如朱丹溪謂產後以大補氣血為主、雖有他證以末治之、則與仲景之竹皮大丸、及產後三大症之諸方相背、白喉治法、忌表挾微一書、所列禁藥、有時不能不用、而其書所奉為神聖之冬地玄參滋膩諸品、有時且因感燥挾溼之證而不可用、諸如此類、不勝枚舉、豈獨鞠通也哉、豈獨痘疹瘡瘍也哉、

○麻疹內陷案

尹性初  
湖北武昌

【病者】德馨公司顧許卿之子、年甫五歲、住百壽巷口、

【病名】麻疹內陷、

【原因】感風溼熱而發、醫惑於鞠通麻疹以防風葛根為禁藥之謬談、純投清潤甘寒、遂呈危象、

【症候】表裏俱熱。鼻煤氣促。津乾口燥。目呆舌絳。僵臥不語。斑疹鱗次。色暗不透。

【診斷】脈細數。合形證觀之。知係寒潤滯表。風邪內閉。肺氣壅遏。麻疹不得透達。反致蘊熱由氣分竄入營分。故有鼻煤氣促等證也。

【療法】祛風解毒。以使怫鬱宣通。氣機和暢。邪乃不留。

【處方】葛根 二錢 荊芥穗 一錢 連翹 二錢 蟬退 一錢

生石膏 四錢 炒鼈甲 一錢 炒梔子 一錢 金銀花 一錢

升麻 五分 蔗漿 半杯 頻頻喂服 日夜進二劑

【次診】進四劑。瀉出黑糞甚多。諸證已退。爲瘵熱解。而氣機和暢也。原方加減

以清餘邪。

【次方】連翹 二錢 荊芥穗 一錢 蟬退 一錢 生石膏 三錢

鼈甲 一錢 炒梔子 一錢 金銀花 一錢 生甘草 五分



蔗漿 半杯

【效果】服二劑而全愈。

遠按此爲內陷險象，妙在寓透發於涼潤之中，玲瓏透剔，引毒外出，是爲能手。

### ○麻疹咳血危症案

【病者】陳參謀長谷生之幼子，年四歲，住桂王橋。

【病名】麻疹咳血。

【原因】素喜糖食。民國十五年四月二十日發熱咳嗽，不思飲食，延他醫治之。初以發散消食不愈，繼而見其咳嗽出血，齒牙焦爛，血跡模糊，以爲熱象全具，投犀角地黃湯，因致於危。

【症候】四月廿八日，始延余診。大咳不已，口中鮮血如注，眉眼不睜，牙關緊咬，齧齧有聲，大熱欲狂，鎮日喊叫。

謝銓鎔

四川成都海會寺街二十六號



【診斷】指紋青紫而勁。詢其尚未出癰。此係腸胃之熱直衝華蓋。肺主皮毛。癰疹之邪欲借嗽而衝出肌表。但內熱甚重。遏鬱不伸。故釀成惡候。

【療法】以升柴紫草芫蔚杏桔等。升陽行血開提爲君。以牛蒡枳殼木通芫鬚等。宣發托邪爲佐。

【處方】竹柴胡

三錢

綠升麻

一錢

紫草茸

一錢

芫蔚子

二錢

苦杏仁

三錢  
研去油

廣桔梗

三錢

牛蒡子

三錢

枳殼

一錢  
半

木通

二錢

芫

鬚

一錢

【覆診】一劑後齒眼皆開。遍身出紅點無數。惟兩腿兩股尙無。仍如前法加減之。

【次方】粉葛根

三錢

赤芍藥

二錢

長前胡

一錢  
半

廣桔梗

二錢

牛蒡子

三錢

整瓜蒌

一枚

陳枳殼

一錢

白木通

二錢

芫

鬚

七分



【三診】自頂至踵全現。顆粒不甚明潤。此血被火刑。因而焦枯。急進活血之品。略加化痰之劑。

【三方】製紫苑 五錢

廣角參 四錢

秦常歸 一錢

粉丹皮 三錢

天花粉 三錢

川紅花 七分

浙貝母 三錢

苦杏仁 三錢 去油

絲瓜絡 三錢

【四診】服後顆粒彌滿。色見鮮明。欬血漸稀。惟大便不通者七八日矣。乃以清肺潤燥之法行之。

【四方】馬兜鈴 四錢

瓜蒌仁 三錢

苦杏仁 三錢 去油

胡麻仁 四錢

枇杷葉 三錢 毛炙淨

枯黃芩 三錢

浙貝母 三錢

白蜜 一兩

冲服

【效果】三劑大便漸通。瀉出黑黃臭穢無算。而唇齒焦爛。令以白蜜時時塗之。始能稍進粥飲。神漸清睡漸安。又擬育陰二方以進。前後二十餘日。漸有起色。一月而後。克奏殊功。愈後遍身脫出粗皮多許。



【病理】謝銓鎔曰。麻疹一症。乃胎元之毒。伏於六腑。感天地邪火之氣。自肺脾而出。故多咳嗽噴嚏發熱諸症。然亦有單發熱而不見咳嗽者。則爲悶症。最宜注意。初起宜發表。不宜閉塞。宜疎通。不宜補滯。往往有毒重熱結。以致衄血嘔血齒血種種熱象。皆其藏腑蘊毒借此發洩。醫者不知先表後裏。驟用寒涼。錮閉邪氣。壅塞爲害。致令內毒潛伏。爲禍無窮。此病現症宛然。醫者復蹈此弊。予以升陽托邪。大力挽回。俾伏麻外出。幸而內陷未深。雖危可救。故備論之以爲治兒科者告焉。

**遠按**麻疹熱甚者。雖不能概禁涼藥。然須寓涼潤於升發之中。此證用犀角地黃實爲荒謬。案內處方靈活。論亦可取。惟第四方黃芩一味。究嫌呆滯。大純中不無小疵耳。

○出痘服燥瀉藥引毒歸心案

【病者】廣州鄒堯常子。年六歲。住城西逢慶中約。

呂楚白

廣州蓬萊新街八十號

【病名】出痘服燥瀼藥引毒歸心。

【原因】因發熱兼嘔身現痘子醫投桂枝龍骨等藥遂致逆候。

【症候】六脈沉伏口渴欲嘔心熱如焚手足疼痛發熱。

【診斷】因誤服燥瀼藥痘欲出而不能熱毒歸心。

【療法】令先飲竹瀝水二兩後擬清毒活血湯加減。

【處方】乾垂絲柳 五錢

紫草茸 二錢

乾葦莖 一兩

小生地 三錢 酒洗

黃芩 一錢半 酒炒

川黃連 一錢 酒炒

連翹 三錢

梔子 三錢

麥冬 二錢

天花粉 八錢

牛蒡子 三錢

小甘草 八分

竹瀝 二兩 沖服

【覆診】服前方次第出齊長漿及至回水結痂之際忽然發熱喉痛係痘毒未

清擬利咽解毒湯加減。

【次方】玄參 三錢

麥冬 二錢

梔子 二錢

牛蒡子 二錢

